

漢書疏證

漢書疏證卷二十六

吳 沈欽韓撰

藝文志

吳孫子兵法八十二篇

圖九卷

隋志孫子兵法二卷吳孫子八變陣圖二卷孫子兵法

雜占四卷

梁有孫子戰圖六甲兵法一卷

新唐志吳孫子三十二壘經

一卷按周官車僕注孫子八陳有革車之陳

文選注長陳爲甄

此卽八變陳圖也御覽

三百二十八

孫子占曰三軍將行其

旌旗從容以向前是爲天送必亟擊之得其大將三軍

將行其旌旗塾然若雨是爲天霑其帥失三軍將行旂

旗亂於上東西南北無所主方其軍不還三軍將陳雨
甚是爲浴師勿用陳戰三軍將戰有雲其上而赤勿用
陳先陳戰者莫復其迹三軍方行大風飄起於軍前右
周絕軍其將亡右周中其師得糧此卽雜占也御覽三
百五十七吳孫子三十二壘經靈輔曰務軍移旗以順其意
銜枚而陳分師而伏後至先生以戰則克此三十二壘
經也按通典兵類有吳王問孫武答其文亦與六韜答
問相似並在十三篇之外杜牧序云武書十數萬言魏
武削其繁剩筆其精切凡十三篇成爲一編按史武傳
闔廬日子之十三篇吾盡觀之矣則十三篇其初見時

所進吳越春秋吳王召孫子問以兵法每陳一篇王不知口之稱善杜牧乃謂曹操所定非也操所著新書正

於孫子作賊耳

隋志有兵書接要兵書略要等云操所撰也

齊孫子八十九篇

圖四卷

通典

一百四十九兵二

孫臏曰周騎有十利一曰迎敵始至二

曰乘敵虛背三曰追散亂擊四曰迎敵擊後使敵奔走五曰遮其糧食絕其軍道六曰敗其津關發其橋梁七曰掩其不備卒擊其未整旅八曰攻其懈怠出其不意九曰燒其積聚虛其市里十曰掠其田野係繫其子弟此十者騎戰利也夫騎者能離能合能散能集百里爲

期千里而赴出入無閒故名離合之兵也然則騎兵之

用在孫臏前矣御覽

二百八十二

戰國策齊孫臏謂王曰凡

伐國之道攻心爲上務先伏其心今秦之所恃爲心者
燕趙也當收燕趙之權今說燕趙之君弗言空辭必將
以實利以得其心所謂攻其心者也

公孫鞅二十七篇

荀子議兵齊之田單楚之莊蹻秦之衛鞅燕之繆蟻

吳起四十八篇

隋志吳起兵法一卷賈誼注按今存者圖國料敵治兵
論將變化勵士六篇而已文選注兩引俱作三十八篇

范蠡二篇

吳越春秋越王問范蠡用兵行陣左傳桓五年疏賈逵以旂爲發石一曰飛石引范蠡兵法作飛石之事以證之文選潘安仁賦注范蠡兵法飛石重二十觔爲機發行三百步

甘延壽傳
張晏注同

大夫種二篇

吳越春秋大夫種曰報怨復讐破敵滅吳者有九術一曰尊天事鬼以求其福二曰重財幣以遺其君多貨賄以喜其臣三曰貴羅粟棗以虛其國利所欲以疲其民四曰遺美女以惑其心而亂其謀五曰遺之巧工良材

使之起宮室以盡其材六曰遣之諛臣使之易伐七曰
強其諛臣使之自殺八曰君王國富而備利器九曰利
甲兵以承其弊越王召相國謂曰子有陰謀兵法傾敵
取國九術之策今用三已破強吳是其事也

史記作七
術越絕書

九術
同

李子七篇

疑李悝

姪一篇 兵春秋三篇

新唐志亦有兵春秋一卷殆非此

龐煖三篇

鵑冠子兵政篇龐子問鵑冠子曰用兵之法天之地之
人之賞以勸戰罰以必衆五者已圖然九夷用之而勝
不必者其故何也又有悼襄王武靈王問武靈王問作
龐煥注云煥
兄疑卽龐煥之書燕世家劇辛故居趙與龐煥善已而
亡走燕燕欲因趙弊攻之劇辛曰趙令龐煥將易與耳
燕使劇辛擊趙趙使龐煥擊之取燕軍二萬殺劇辛

兒良一篇

高誘呂覽注兒良作兵法貴後

廣武君一篇

李左車

疑卽淮陰侯傳中一事

韓信三篇

馬隆八陣讚云天地前衡變爲虎翼淮陰用之變化無極垓下之會魯公莫測

右兵權謀十三家二百五十九篇

省伊尹太公管子孫臏子騭冠子蘇子廟通陸

賈淮南王二百五十九篇出司馬法入禮也

按所省者不可知其出司馬法入禮是也然是書有古

司馬兵法有穰苴兵法未可一概論通典

兵

司馬穰苴

曰五人爲伍十伍爲隊一軍凡二百五十隊餘奇爲握奇故一軍以三千七百五十人爲奇兵隊七十有五以爲中壘守地六千尺積尺得四里以中壘四而乘之一

面得地三百步壘內有地三頃餘百八十步正門爲握奇
大將軍居之六纛五麾金鼓府藏輜積皆中壘外餘八
千七百五十人隊百七十五分爲八陣六陣各有千九
十四人六陳各減一人以爲一陣之部署舉一軍則千
軍可知御覽二百九十入引穰苴兵法同又三百十三
不西月食還師所以止衆也別引古
司馬兵法然後人固別而言之也

楚兵法七篇

圖四卷

孫叔敖稱軍志楚之兵法尙矣

蚩尤二篇

隋志黃帝蚩尤風后行軍祕術二卷管子地數篇葛虛

之山發而出水金從之蚩尤受而制之以爲劒鎧矛戟

孫軫五篇

圖三卷

荀子臨武君與孫卿子議兵於趙孝成王前劉向敘云
至趙與孫臏議兵趙孝成王前按軫與臏聲近或後人
不知而妄改是此孫軫明矣據楚策春申君欲使臨武
君將又爲楚將

繇敘二篇

太白陰經秦由余蜀諸葛亮並有陣圖攷證云繇敘當
卽由余

王孫十六篇

圖五卷

太史公自序太史孫吳王子能銘而明之徐廣曰王子成甫此王孫疑是王子通典孫子注王子曰將欲內明而外暗內治而外渾所以示敵之輕已也

尉繚三十一篇

隋志雜家尉繚子五卷又云兵家梁有尉繚子兵書一卷今按其書自天官至兵令二十四篇並言兵形勢不當入雜家此蓋誤承漢志兩見不知雜家者先亡耳其末篇曰臣聞古之善用兵者能殺士卒之半其次殺其十三其下殺其十一能殺其半者威加海內李靖兵法取之亦異乎六韜所稱殺一人而三軍震之旨矣

魏公子二十一篇

圖十卷

信陵君傳諸侯之客進兵法公子皆名之故世俗稱魏公子兵法裴駟引七略作圖七卷

景子十三篇

楚策楚王使景陽將救燕塞舍使左司馬各營壁地已植表景陽怒曰女所營者水皆至滅表此焉可以舍乃令徙明日大雨山水大出所營者水滅其表軍吏乃服淮南汜論景陽淫酒被髮而御於婦人威服諸侯

李良三篇

見張耳陳餘傳

丁子一篇

疑卽丁固

項王一篇

按握奇文云望敵卽引其後以掎角前列不動

公孫弘曰傳項

氏陣法
依此

右兵形勢十一家

太壹兵法一篇 天一兵法三十五篇

隋志太一兵書十一卷

梁二卷
十卷

唐志太一兵法一卷王逸

楚辭章句太一星名天之尊神大象賦注云天皇大帝

一星在紫微宮內句陳口中其神曰耀魄寶主御羣靈

乘萬機神圖也太一一星次天一南天帝之臣主使十六龍知風雨水旱兵革饑饉疾疫

神農兵法一篇

秦策神農伐補遂越絕風胡子曰神農以石爲兵

黃帝十六篇

胡建傳黃帝李法曰壁壘已定穿箭不繇路是謂姦人姦人者殺然此非兵陰陽也太白陰經引黃帝曰車閒容車隊閒容隊曲閒容曲又云黃帝設八陣之形車廂洞當金也車中黃土也烏雲烏翔火也折衝木也龍騰卻月水也雁行鵝鶴天也輪車地也飛翼浮阻異也此

則類之矣隋志黃帝問玄女兵法四卷黃帝兵法雜要
訣一卷黃帝軍出大師年命立成一卷黃帝太一兵歷
一卷又黃帝兵法孤虛雜記一卷唐志大略同御覽十黃帝
玄女戰法曰黃帝與蚩尤九戰不勝黃帝歸於太山三
日三夜大霧冥冥有婦人人首鳥形黃帝稽首再拜伏
不敢起婦人曰吾玄女也子欲何問黃帝曰小子願萬
戰萬勝遂得戰法焉又三百三十九卷黃帝出軍決曰
始立牙之日喜氣來應旗旛指敵或從風舉揮揮終日
繞竿勇氣奔逸是謂堂堂之陣此大勝之徵不具錄

封胡五篇

王欽若先天紀黃帝得封胡爲將作五牙旗及烽火戰

攻之具

御覽三百三十九黃帝出軍決曰所有攻伐作五采牙幢青牙旗引住東赤牙旗引住南白牙

旗引住西黑牙旗引住北黃牙旗引住中又三百三十
五黃帝出軍決法曰行軍行兵兩烽相要地形不便望
見烽火不得爲客通典守城法衛公兵法曰章孝
寬守晉州羊侃守臺城皆約封胡子伎巧之術也

風后十三篇

圖二卷

通考風后握奇經一卷本題漢公孫弘解晉馬隆述讚
按公孫弘曰人多傳韓信注釋天或圓布已下與此微
有差異而范蠡樂毅之說相雜今亦錯綜於其中其部
隊或三五或三十或五十變通之理寄之明哲不復備
載近古以來其文不滿尺多憑口訣以相傳授予今於

難解之處增字發明之耳太白陰經云風后演握奇圖
天陳居乾爲天門地陳居坤爲地門風陳居巽爲風門
雲陳居坎爲雲門飛龍居震爲飛龍門武翼居兌爲武
翼門鳥翔居離爲鳥翔門蛇盤居艮爲蛇盤門天地風
雲爲四正門龍虎鳥蛇爲四奇門乾坤艮巽爲闕門坎
離震兌爲開門又云握奇圖以正合以奇勝合而爲一
散而爲八聚散之勢節制之度復置虛實二壘

唐獨孤
及有記

力牧十五篇

太白陰經力牧亦創營圖王欽若先天紀黃帝問張若
謀敵之事張若曰不如力牧能於推步之術著兵法十

三卷可用之此傳會之說

路史注國朝有力牧四明經力牧地戶開歷

鳩治子一篇

國一卷

抱朴子極言篇黃帝救傷殘則綴金治之術路史鳩治

決法

鬼容區三篇

史記索隱系本史區占星氣素問有鬼史區天元大紀論

地典六篇

陶潛羣輔錄黃帝七輔地典受州絡

孟子一篇

下五行家有孟子問昭疑此是孟子

東父三十一篇

續漢天文志星官之書魏石申父東父人無攷疑是申父

師曠八篇

後書蘇竟遺劉襲書曰猥以師曠雜事輕自眩惑說士作書亂夫大道按師曠有二齊民要術雜說黃帝問師曠

欲知牛馬貴賤秋葵下有小葵生牛貴大葵不蟲牛馬

賤御覽

一百八十九

師曠問天老曰人家忌臘日殺生於堂

上有血光一不祥也井上種桃花落井二不祥也此黃

帝之師曠矣御覽

三十

又有師曠占隋志梁有師曠占五

卷舊唐志師曠占書一卷並在五行家

拾遺記云換兵書萬篇

袁弘十五篇

天官書昔之傳天數者袁弘封禪書周人之言方怪者

自袁弘始

拾遺記袁弘能招致神異

別成子望軍氣六篇

隋志兵家有鬼谷先生占氣等天文家梁有雜望氣經

等越絕外傳記軍氣云右子胥相氣取敵大數其法如

是

初學記望氣經曰十月癸巳霧赤爲兵青爲殃

御覽二百四十一

又引黃帝占軍

氣訣

辟兵威勝方七十篇

隋志梁有辟兵法一卷抱朴子雜應篇或問辟五兵之道抱朴子曰吾聞吳大皇帝曾從介先生受要道云但知書北斗字及日月字便不畏白刃帝以試左右數十人常爲先登陷陣皆終身不傷又仙藥篇木威喜芝夜視有光帶之辟兵又肉芝者謂萬歲蟾蜍以五月五日中午時取之陰乾百日以其左足畫地卽爲流水帶其左手於身辟五兵若敵人射已者弓弩矢皆反還自向也神仙感應錄漢武威太守劉子南從道士尹公授務成子焚火丸佩之隱形辟疫鬼及五兵白刃盜賊凶害永平間與虜戰矢下如雨未至子南馬數尺輒墜地終不能傷

右陰陽十六家

推刑德隨斗擊因五勝

御覽

三百二十八

玄女兵法曰戰鬪之法當從九天之上擊

九地之下衆士默默人無見者九天者春在青龍夏在朱雀秋在白虎冬在玄武四神爲九天其衝爲九地尉繚子天官篇梁惠王問曰黃帝刑德可以百勝有之乎

對曰刑以伐之德以守之非所謂天官時日陰陽向背

也

又武議篇世將考孤虛占咸池合龜兆觀星辰風雲之變欲以成勝立功

淮南天文訓北

斗之神有雌雄十一月始建於子月從一辰雄左行雌

右行五月合午謀刑十一月合子謀德隋志兵家有黃

石公三奇法五行家有黃石公北斗三奇法

御覽三百四十黃石

公三略曰欲敵形色可勝之符先戰以二十八騎角人
青衣赤旗東方七人徵人赤衣黃旗南方七人商人白
衣黑旗西方七人羽人黑衣青旗北方七人凡二十八
騎象二十八宿按此文三略所無隋志兵家有黃石公
五壘圖蓋是此亦五勝之法而五行家黃
石公北斗三奇法即兵家三奇法耳重出

鮑子兵法十篇

圖一卷

伍子胥十篇

圖一卷

舊唐志伍子胥兵法一卷御覽三百十五越絕書伍子胥水

戰法大翼一艘廣丈六尺長十二丈容戰士二十六人

櫂五十人舳艫三人操長鉤矛斧者四吏僕射長各一

人凡九十一人當用長鉤矛長斧各四弩各三十四矢

三千三百甲兜鍪各三十二北堂書鈔亦引之隋志又

有遯甲訣遯甲文各一卷伍子胥撰

公勝子五篇

苗子五篇

逢門射法二篇

龜策傳羿名善射不如雄渠蠡門注劉歆七略有蠡門射法吳越春秋陳音曰逢蒙傳於楚琴氏

陰通成射法十一篇 李將軍射法三篇

李廣傳世世受射

魏氏射法六篇

強弩將軍王團射法五卷

望遠連弩射法具十五篇

御覽

三百四十八

太公兵法曰弩之神名遠望淮南汜論連

弩以射

高誘曰連車弩通一弦以牛挽之以刃著左右爲機開發

吳越春秋越王謂

陳音曰願聞望敵儀表授分飛矢之道音曰夫射之道

從分望敵合以參連弩有斗石矢有輕重石取一兩其

數乃平遠近高下求之銖分漢南郡有發弩官

唐書兵志伏遠

弩自能弛張縱矢三百步

護軍射師王射賀書五篇

卜式上書願與臨淄習弩擊南越後書順帝永建元年調五營弩師郡與五人令教習戰射此主教五營射師

也

蒲苴子弋法四篇

列子湯問篇詹何曰臣聞先大夫之言蒲苴子之弋也弱弓纖繳乘風振之連雙鵠於青雲之際用心專動手均也按此善弋者著其法冠蒲苴之名五營伏飛積射士所習

劍道三十八篇

吳越春秋越女曰凡手戰之道內實精神外示安儀見之如好婦奪之似懼虎布形候氣與神俱往杳之若日偏如騰兔追形逐影光若仿佛呼吸往來不及法禁縱

橫順逆直復不聞斯道者一人當百百人當萬王欲試之其驗卽見越王乃命五版之墮長高習之教軍士史記自序司馬氏在趙者以傳劒論顯又曰者傳齊張仲曲成侯以善擊刺學用劒立名天下按曲成侯卽蟲達也

手搏六篇

王逸楚詞注手擊曰扑孟康曰摔胡若今相僻卧輪之類列子說符篇蘭子能燕戲者張湛曰如今之絕倒投俠賈子匈奴篇倒挈面者更進皆手搏之技

雜家兵法五十七篇

隋志雜兵書十卷雜兵圖二卷文選注

五十

雜兵書曰

八陣者一曰方陣二曰圓陣三曰牝陣四曰牡陣五曰

衝陣六曰輪陣七曰浮沮陣八曰鴈行陣御覽亦多引

雜兵書

七百六

將坐牀無故自動下欲害之

楚鞠三十五篇

文選注

十七

略楚鞠者傳言黃帝所作蹋鞠兵勢其法

律多微意皆因嬉戲以講練士至今軍士羽林無事使

得蹋鞠按七錄在小說家史記正義按楚鞠書有域篇

卽今之打毬也黃帝所作起戰國時程武士知其材力

也

齊策蘇秦說齊宣王臨淄蹋鞠

御覽彈棋經序曰彈棋者仙家之戲

也昔漢武平西域得胡人善楚鞠者盡衍其便捷跳躍
帝好而爲之羣臣不能諫侍臣東方朔因以此藝進之
帝就舍楚鞠而尙彈棋焉習之者多在宮禁中故時人
莫得而傳西京雜記以爲劉歆先君進成帝不同至王莽末赤眉凌亂西
京傾覆此藝宮人所傳故散落人閒及章帝御宇好諸
技藝此藝乃盛於當時西京雜記許博昌安陵人善陸博寶嬰好之常與居處博昌作
太博經一篇

右兵技巧十三家

攷證著黃石公記於此非也

凡兵書五十三家

省十家云云

按王莽徵天下能明兵法六十三家知此志始省十家
泰壹雜子星二十八篇

隋志五行家有太一經天文志五行志並引星傳疑是
此

五殘雜變星二十一卷

抱朴子釋滯欒槍尤矢旬始終釋四鎮五殘天狗歸邪
或以子成或以正敗明易之生不能論此也詳見天文
志

黃帝雜子氣三十三篇

劉昭天文志注引黃帝星經普歷志黃帝使車區占星

咎故其星傳尙有存焉隋天文家黃帝五星占一卷御

覽

八百七十八又八百七十九

黃帝占軍氣訣曰攻城有虹欲敗之

應又黃帝占曰日中三足鳥見者大旱赤地

晉書天文志黃帝創

受河圖
始明休

常從日月星氣二十一卷

說苑敬慎篇常縱有疾老子往問之不知師古何緣指此人似當謂常從天子者

皇公雜子星二十二卷

尸子廣澤篇皇子貴衷列子湯問皇子疑錕鍓劒火浣布傳之者妄按志不列於諸子疑皇公非其人莊子蓬

生篇齊士有皇子告敖

淮南雜子星十九卷

泰壹雜子雲雨三十四卷

繁露求雨篇神農求雨第十九日戊巳不雨命爲黃龍
壯者舞之神農書又曰開神山神淵積薪夜擊鼓譟而
燔之爲其旱也御覽九又有黃帝風經

國章觀霓雲雨三十四卷

隋志天文占雲氣圖一卷御覽八

有相雨書又引黃子

發相雨書

泰階六符一卷

東方朔陳泰階六符應邵以爲黃帝書章懷太子註郎

顓傳引黃帝泰階六符經

御覽休徵部亦引之

金度玉衡漢五星客流出入八篇

續天文志注星經曰璇璣者謂北極星也玉衡者謂斗九星也玉衡第一星主徐州常以五子日候之第二星主益州常以五亥日候之第三星主冀州常以五戌日候之第四星主荊州常以五卯日候之第五星主兗州常以五辰日候之第六星主揚州常以五巳日候之第七星主豫州常以五午日候之第八星主幽州常以五寅日候之第九星主并州常以五申日候之又五星各

主五嶽二十八宿

鎮星主東井

隋志黃帝五星占一卷

御覽六十五

星占曰君薄德義懦弱不勝任則太白失度經天作變易之象

漢五星彗客行事占驗八卷

隋志五星犯列宿占六卷妖星流形名占一卷又彗星

占流星占彗孛占並一卷御覽

八百七十五

京氏易五星占

蓋此志所列

漢日旁氣行事占驗八卷

隋志京氏曰占圖三卷夏氏曰旁氣魏氏曰旁氣圖一

卷周官太卜注云王者於天日也夜有夢則晝視日旁

氣以占其吉凶凡所占者十輝每輝九變此術合七

文志引夏氏日月傳曰日月食盡主位也不盡臣位也
卽隋志夏氏日旁氣天文志王朔所候決於日旁雲氣
天官書占歲則魏
鮮卽隋志魏氏

漢流星行事占驗八卷

御覽咎徵部引京氏妖占晉書天文志漢京房著風角
書有集星章所載妖星皆見於月旁互有五色方雲以
五寅日見各有五星所生云隋志京房氏釋五星災異
傳一卷

漢日旁氣行占驗十三卷

功臣表成帝時光祿大夫滑堪日旁占驗

漢日食月暈雜變行事占驗十三卷

隋志日月暈三卷日月食暈占四卷日月暈珥雲氣圖占一卷其名目甚多大略采於天文志者是矣

海中星占驗十二卷

隋志海中星占星圖海中占並一卷顧炎武曰海中者中國也故天文志曰甲乙海外日月不占愚謂海中混芒比平地難驗著海中者言其術精算法亦有海島算

經王氏云卽張衡所謂海人之占也

後天文志注張衡靈憲曰中外之自

可明者三百二十爲星二千五百而海人之占未存焉

後志注海中占曰熒惑守

參爲旱太白守參國有反臣唐封氏見聞記云齊武成

帝卽位大赦天下其日設金鷄宋孝王不識其義問於
光祿大夫司馬膺之答曰按海中星占天鷄星動必當
有赦

海中五星經雜事二十二卷

海中五星順逆

二十八卷

海中二十八宿國分二十八卷

晉書天文志州郡躔次陳卓范鬼谷先生張良諸葛

亮譙周京房張衡並云角亢氐鄭兗州房心宋豫州尾
箕燕幽州斗牽牛須女吳越揚州虛危齊青州營室東
壁衛并州奎婁胃魯徐州昴畢趙冀州觜參魏益州東
井輿鬼秦雍州柳七星張周三輔翼軫楚荊州隋志二

十八宿分野圖一卷

海中二十八宿臣分二十八卷

王氏攷證未詳臣分按張衡云在野象物在朝象官在人象事隋志二十八宿二百八十三官圖一卷天文外官占星官次占一卷卽臣分也

海中日月彗虹雜占十八卷

圖書祕記十七篇

後書楊厚祖父春卿戒子統曰吾綈裏中有先祖所傳祕記爲漢家用又章帝賜東平王蒼以祕書列仙圖道術祕方抱朴子至理篇孔安國祕記云張良得黃石公

不死之法霍光傳霍山坐寫祕書

巫咸星占

補

隋志巫咸五星占一卷天官書殷商巫咸天文志巫咸
甘石並引之劉昭注亦引巫咸占晉志云巫咸甘石之
說後代所宗宋史天文志引巫咸圖

甘氏星占

補

史記正義七錄云楚人戰國時作天文星占八卷隋志
甘氏四七法一卷天官書甘石厯五星法唯獨熒惑有
反逆行逆行所守及他星逆行日月爲薄蝕皆以爲占
天文志又引星傳不知其屬誰家保章氏注甘氏歲星

經

石氏星占補

隋志石氏星簿經讀一卷

梁有石氏甘氏天文志各一卷

史記正義七

錄云魏石申戰國時作天文八卷今存星經上下卷

中缺

西南二宮

云是石氏書續志賈逵論引石氏星經攷證乾象

新書云天文錄并諸家占書所載石申甘德巫三辰星座共二百八十三座總一千四百六十四星石申列舍星二十八座共一百六十六星赤中官星五十四座共三百一十八星赤外官星三十八座共二百七十一星赤甘德中官星五十九座共二百一星黑外官星三十

九座共二百九星黑巫咸中官星九座共三十一星黃
外官星二十座共九十五星黃石申紫薇垣星一十二
座共五十四星赤甘德紫薇垣星二十座共一百一星
黑巫咸紫薇垣星四座共一十八星黃

宋志祖冲之云
甘石之書互爲

矛
楯

右天文二十一家

史記自序云星氣之書多作祲祥不經推其文考其廩
不殊

黃帝五家厓三十三卷

顓頊厓二十一卷

顓頊五星曆十四卷

漢以北平侯張蒼言用顓頊曆比於六曆疏濶中最爲微近史記自序五家之文佛異惟太初之元論律曆志太史令張壽王及待詔李信治黃帝調曆續漢律曆志黃帝造曆元起辛卯而顓用乙卯虞用戊午唐曆志大衍曆日度議洪範傳曰曆祀始於顓帝上元太始四蒙攝提格之歲畢陳之月朔日乙巳立春七曜俱在營室五度宋曆志何承天等校六家之曆雖六元不同分章或異至今所差或三日或二日數時考其遠近率皆六國及秦時人所造雖復假稱帝王祇足以惑時人耳大

明六年祖冲之議曰按五紀論黃帝曆有四法顓頊夏
周並有二術詭異紛然則孰識其正此古曆可疑之據
一又云顓頊曆元歲在乙卯而命曆序云此術設元歲
在甲寅此可疑之據四按大衍日度議云重黎受職於
顓頊九黎亂德二官咸廢帝堯復其子孫命掌天地四
時以及虞夏故本其所由生命曰顓頊其實夏曆也秦
顓頊曆起乙卯漢太初曆元起丁丑推而上之皆不值
甲寅猶以日月五緯復得上元本星度故命曰闕蒙攝
提格之歲而實非甲寅

日月宿曆十三卷

續志賈逵論願請太史官日月宿簿

夏殷周魯曆十四卷

律曆志五伯之末史官喪紀疇人子弟分散或在夷狄故其所記有顓頊夏殷周及魯曆續志賈逵論曰太初歷冬至日在牽牛初者牽牛中星也古黃帝夏殷周魯冬至日在建星建星卽金斗星也司馬彪論曰曆元夏用丙寅殷用甲寅周用丁巳魯用庚子宋志祖沖之曰夏曆七曜西行特違衆法劉向以爲後人所造殷曆曰法九百四十而乾鑿度云殷曆以八十一爲日法若易緯非差殷曆必妄春秋書食有日朔者凡二十六其所

據曆非周則魯以周曆攷之檢其朔日失二十五魯曆校之又失十三二曆並乖則必有一僞古之六術並同四分四分之法久則後天以食檢之經三百年輒差一日以此推之古術之作皆在漢初周末理不得遠且卻校春秋朔並先天此則非三代之明徵矣唐志大衍日度議云夏曆十二次立春日在東壁三度於太初星距壁一度太也又夏曆章部紀首皆在立春故其課中星揆斗建與閏餘之所盈縮皆以十有二節爲損益之中而殷周漢曆章部紀首皆直冬至故其名察發歛亦以中氣爲主此其異也甄耀度及魯曆南方有狼弧無東

井鬼北方有建星無南斗井斗度度長弧建度短故以
 正昏明又中氣議曰命曆序以為孔子修春秋用殷曆
 使其數可傳於後考其蝕朔不與殷曆合蓋哀平間治
 甲寅元歷者託之非古也按書疏以為秦漢之際假託為之與祖冲之說同此云哀
平近詩十月之交疏古之曆書亡今世有周曆魯曆者
 蓋漢初為之其交無遲疾盈縮考日食之法而其上年
 月已往參差是以漢世通儒未有以曆考此辛卯日食
 者晉書杜預長曆云漢末宋仲子集七曆以考春秋案其夏周二曆術類皆與藝文志所記不同故更名為
真夏真
周曆也

天曆大曆十八卷

疑是漢曆唐志劉歆三統曆一卷

漢元殷周諫曆十七卷

律曆志以前曆上元泰初四千六百一十七歲至於元

封七年復得闕逢攝提格之歲

按此以漢元上推殷周曆四分曆起於孝文皇帝

後元三年歲在庚辰上四十五歲歲在乙未則漢興元年也又上二百七十五歲歲在庚申則孔子獲麟二百七十六萬歲尋之上行復得庚申歲歲相承從下尋上其執不誤

耿昌月行帛圖二百三十二卷 耿昌月行度二卷

續志賈逵論曰案甘露二年大司農中丞耿壽昌奏以

圖儀度日月行考驗天運狀日月行至牽牛東井日過

度月行十五度

此言其極疾

至婁角日行一度月行十三度

言其赤道使然

傳周五星行度三十九卷

續志賈逵論曰臣前上傳安等用黃道度日月弦望多近此傳周亦人名

律曆數法三卷

律曆志唐都分天部而洛下閎運算轉曆其法以律起曆曰律容一龠積八十一寸則一日之分也

自古五星宿紀三十卷

律曆志劉向總六曆列是非作五紀論續志五紀論曰月循黃道南至牽牛北至東井率日日行一度月行十

三度十九分度七又洪範五紀論曰民間亦有黃帝諸曆不如史官紀之明也詩疏劉向五紀論載殷曆之法惟有氣朔而已

太歲謀日晷二十九卷

律曆志議造漢律乃定東西立晷儀下漏刻以追二十

八宿相距於四方

易通卦驗冬至之日立八神樹八尺之表日中規其晷之如度者則歲美

人民和順晷不如度者則歲惡人民爲訛言焉相氏疏引云神讀如引

帝王諸侯世譜二十卷 古來帝王年譜五卷

隋志漢初得世本敘黃帝已來祖世所出而漢又有帝王年譜律曆志太史令張壽王言黃帝至元鳳三年六

千餘歲又移帝王錄舜禹年歲不合人年壽王言化益
爲天子代禹驪山女亦爲天子在殷周間皆不合經術
溝洫志大司空掾王橫言周譜云定王五年河徙

日晷書三十四卷

隋志黃道晷景占一卷

梁有晷景說二卷

按周髀算經陳子語

榮方曰夏至日中立竿測影周髀長八尺夏至之日晷
長一尺六寸髀者股也正晷者句也正南千里句一尺
五寸正北千里句一尺七寸日益表南晷日益長候勾
六尺卽取竹空徑一寸長八尺捕影而視之空正掩日
而日應空之孔由此觀之率八十寸而得徑一寸故以

句爲首以髀爲股至日下六萬里而髀無影從此以上
至日則八萬里若求邪至日者以日下爲句日高爲股
句股各自乘并而開方除之得邪至日從髀所旁至日
所十萬里以率率之八十里得徑一里十萬里得徑千
二百五十里故曰日晷徑千二百五十里又陳子曰古
時天子治周此數望之從周故曰周髀據彼所說是追
依周公正日景之事其器數不同蓋卽此日晷書之類
其後又引呂氏語

趙君卿以爲
秦相呂不韋

知陳子者漢初人也

許商算術二十六卷

溝洫志博士許商善爲算能度功用徐岳數術記遺曰

問曰爲算之體皆以積爲名爲復更有他法乎先生曰

隸首注術乃有多種及余遺忘記憶數事而已有積算

今之常算以竹爲之長四寸太乙算刻板橫爲九道豎

以效四時方三分以象三才太乙算刻板橫爲九道豎

數從下始兩儀算刻板橫爲五道豎爲位一柱兩珠色

去來有道兩儀算刻板橫爲五道豎爲位一柱兩珠色

其黃珠自三才算刻板橫爲三道豎爲位一柱兩珠色

下而上三才算刻板橫爲三道豎爲位一柱兩珠色

天黃珠屬地白珠屬人又其三珠通行三道若天珠在

天爲九在地主六在人主三其地珠在天爲八在地主

五在人主二八珠在天主七在地主四五行算數一火

在人主一故曰天地和同隨物變通也五行算數一火

爲五行算色別九枚以五行色數相配爲算之位也八

卦算起指正南離爲一西南坤爲二正西兌爲三西北

乾爲四正北坎爲五東北艮爲六正東震爲七東南巽

爲八至九位闕則中央蓋而指天故曰位闕從天也

九宮算

即二四為肩六八為足左三

運籌算

算籌一長五寸籌

上各為五刻上頭一刻近一頭刻之其下四刻迭相去一寸令去下頭亦一寸入手取四指三開間有三節初

食指上節間為一位第二節間為十位第三節間為百

位至中指上節間為千位中節間為萬位下節間為十

萬位無名指上節間為百萬位中為千萬位下為億萬

位也至算刻近頭者一刻主五其遠頭者一刻之別從

下而起主一主二主三主四若一二三四頭則向下於

掌中中若具五則迴取上頭向掌中故曰小往大來也

運於了知算一位為一了字其了有三曲其下服之末

指掌了知算內主一外主九下次第一曲內主二外主

八當第二曲內主三外主七其第三曲成數算五行各

內主四外主六當了字之首則主五成數算配土為

成數水玄生數一成數六火赤生數二成數七木青生

數三成數八金白生數四成數九若以首向東及南為

生數向西及把頭算其二枚一漫一齒者一面刻為一

北為成數把頭算其一面為二一面為三其一面為

四漫者為把頭即當五算生龜算龜首指寅為一指卯為

二指辰為三指巳為四指午為五指未為六指申為七
 指酉為八指戌為九指亥為十龜頭指不以為數故曰
 遇冬珠算刻板為三分其上下二分以停游珠中開一
 則停珠算分以定算位位各五珠上一珠與下四珠色
 別其上別色之珠當其下四珠珠各計算謂不用算籌
 當一至下四珠所領故云控帶四時計算宜以心計之
 或曰今有長竿一枝不知高下不用算籌云何計而知
 之答曰取竿之影任其長短畫地計之假令手中有三
 尺之物亦豎之取杖下之影長短以量竿影按漢書所
 得矣按曹倉舒以象置大船刻水痕同此
 為算術未審其備有此數否錄之廣異聞
 宋書曆志吳中書令闕澤
 受乾象法於東萊徐岳字公河則
 徐岳漢末人受乾象曆於劉洪者
 杜忠算術十六卷

廣韻說文曰算長六寸計曆數者也又有九章術漢許
 商杜忠吳陳熾魏王粲並善之魏劉徽九章算經序也

犧氏始畫八卦作九九之術以合六爻之變黃帝神而
化之引而伸之建曆紀協律呂記稱隸首作數其詳未
之聞也周公制禮有九數九章是矣漢北平侯張蒼大
司農中丞耿壽昌皆以善算命世蒼等因舊文遺殘各
稱刪補故校其目與古或異而所論多近語保氏注鄭
司農云方田粟米差分少廣商功均輸方程贏不足旁
要今有重差夕桀句股疏云此漢法增之此劉徽所云
校其目與古
或異者也禮記疏重差差分一也去旁要以句股替之是爲
漢之九數按此許商杜忠所爲卽是九章術志舉人名
以包之遂令後人疑惑耳後書馬續鄭氏並善九章算

術明許杜等非別一書也隋志有劉徽注徐岳甄鸞等

重述

西京雜記安定嵩真玄菟曹元理並明算術皆成帝時人

右曆譜十八家

秦一陰陽二十三卷

隋志五行家載太一占甚多今存者太一龍首式經一卷

黃帝陰陽二十五卷

御覽

八十卷

黃帝玄女占法曰禹問於風后曰黃帝有勝

負之圖六甲陰陽之道今安在乎風后曰黃帝藏會稽

之山下

隋志黃帝陰陽遜甲六卷

黃帝諸子論陰陽二十五卷

御覽

五百三十七

黃帝太一密推師曠曰先知巡狩之年當

視太一與天目在四維之歲法爲巡狩若不然則遣使者按行風俗

諸王子論陰陽二十五卷

方術傳注須臾陰陽吉凶立成之法也今書七志有武王須臾一卷

太元陰陽二十六卷

後書方術傳風角遁甲七政元氣注云元氣者書疑此類謂開闢陰陽之書也河圖曰元氣闡陽爲天楊由少

習七政元氣

三典陰陽談論二十七卷

隋志僅有雜陰陽婚嫁書按齊民要術御覽引雜陰陽

書猶多月令正義陰陽式法正月亥爲天倉

南齊書禮志記稱元

辰法曰

吉亥

神農大幽五行二十七卷

御覽

二十

神農書曰冬至陰陽合精天地交讓

路史注引作交

遊

天爲尸溫地爲不凍君爲不朝百官爲不親事不可

出游必有憂悔隋志有神農重卦經二卷

四時五行經二十六卷

齊民要術所引雜五行書言農家種殖殆此類

又云雜五行書

日常以正月旦亦用月半以麻子二七顆赤小豆七枚置井中辟疫病甚神驗御覽八百四十一雜五行書曰正月七日男吞赤豆七枚女吞十四枚竟年無病

猛子閭昭二十五卷

陰陽五行時令十九卷

亦易陰陽明堂月令之類

堪輿金匱十四卷

淮南天文訓北斗之神雌雄堪輿徐行雄以音知雌周禮占夢疏鄭志答張逸曰按堪輿黃帝問天老事云四月陽建於己破於亥陰建於未破於癸是爲陽破陰陰

被陽故四月有癸亥爲陰陽交會十月丁巳爲陰陽交

會又保章氏注堪輿有郡國所入度

占夢疏按堪輿大會有八小會亦有

八公羊疏堪輿云九月日體在大火

御覽八百四十九

風俗通曰堪輿書云上

朔會客必門爭隋志有歷頭堪餘地節堪餘大小堪餘

四序堪餘八會堪餘等吳越春秋伍子胥曰竊觀金匱

第八其可傷也吳王曰何謂也子胥曰今年七月辛亥

平旦

十三年

大王以首事辛歲位也亥陰前之辰也合壬

子歲前合也利以行武武決勝矣然德在合斗繫丑丑

辛之本也大吉爲白虎而臨辛功曹爲太常

白虎太常十二

大吉功曹十二月神

亥大吉得辛爲九醜又與白虎并重有人若

以此首事前雖小勝后必大敗天地行殃禍不久矣又

吳王召太宰嚭欲赦越王越王召范蠡告之蠡曰大王

安心事將有意在玉門第一今年十二月戊寅之日時

加日出

句踐五年

戊囚日也寅陰後之辰也合庚辰歲後會

也夫以戊寅日聞喜不以其罪罰日也時加卯而賊戊

功曹爲騰蛇而臨戊謀利事在青龍青龍在勝光而臨

酉

勝光六
月神

死氣也而尅寅是時尅其日用又助之所求

之事上下有憂此其非天綱四張萬物盡傷者乎王何

喜焉又子胥諫吳王曰大王初臨政負玉門之第九誠

事之敗無咎矣今年三月甲戌時加鷄鳴甲戌歲在位

會將也青龍在酉德在土刑在金是日賊其德也知
父將有不順之子君有逆節之臣又范蠡既去越王召
大夫種曰蠡可追乎種曰不及也蠡去時陰晝六陽晝
三日前之神莫能制者玄武天空玄武天空
十二將威行孰敢
止者度天關涉天梁後八天一前醫神光言之者死視
之者狂臣願大王勿復追也又文種語其妻曰吾見王
時正犯玉門之第八也二十五年
丙午平旦辰尅其日上賊於下
是爲亂醜必害其良今日尅其辰上賊下止吾命須臾
之間耳按所云金匱玉門者是或漢之五行書名其所
占類太乙六壬之式則或天一太一兩家言也因子胥

有金匱之目故附識於此

隋志梁有伍子胥式經章句起射覆式越相范蠡玉筮式

各二卷

務成子災異應十四

隋志仙人務

臧成字

子傳神通黃帝登壇經一卷

十二典災異應十二卷

易通卦驗十二月十二日正八風二十四氣相應之驗

鍾律災應二十六卷 鍾律消息二十九卷

蓋京房之術續律曆志京房以六十律分期之日黃鍾

自冬至始及冬至而復陰陽寒煥風雨之占生焉風俗

通聲音篇按劉歆鍾律書宮商角徵羽義云云亦其事

也

詳見
雜家

易通卦驗迎日至之禮人主致八能之士或調

黃鍾或調六律五聲或調五行陰陽乃縱八能之士擊
黃鍾之鍾人敬稱善言以相之黃鍾之音得蕤賓之律
應則公卿大夫列士以德賀於人主因諸政所請行五
官之府各受其當聲諸氣和則人主以禮賜公卿大夫
列士

鍾律叢辰日苑二十三卷

日者列傳孝武帝時聚會占家問之某日可娶婦乎五
行家曰可堪輿家曰不可建除家曰不吉叢辰家曰大
凶歷家曰小凶天一家曰小吉太一家曰大吉辨訟不

決以狀聞制曰避諸死忌以行爲主人取於五行者也
按此數家雖總名五行所占又不同若此今有玄女三子經論婚娶
日隋志九天嫁娶圖蓋是也

黃鍾七卷

隋志黃鍾律一卷管子五行篇黃帝以政五鍾然後立五行

天一六卷

淮南天文訓天神之貴於青龍或曰天一或曰太陰太陰所居不可背而可向李筌太白陰經黃帝征蚩尤七十一戰不克盡殲金人引傾長頭玄狐之裘云天帝使

授符職必克帝寤問風后曰此天應也乃於盛水之陽
暴壇祭太牢有玄龜含符致壇文曰天一在前太乙在
後帝再拜授於是設九宮置八門布三奇六儀制陰陽
二遁凡千八百局名曰天一遁甲式

泰一二十九卷

乾鑿度太一取其數以行九宮注太一者北辰之神名
也居其所曰太一常行於八卦日辰之間太一下行八
卦之宮每四方還於中央中央者北辰之所居故因謂
之九宮天數大分以陽出以陰入陽起於子陰起於午
是以太一下九宮從坎宮始自此而從於坤坤宮母也

又自此而從震宮又自此而從巽宮所行者半還息於中央之宮既又自此而從乾宮而兌宮又從於艮宮又於離宮行則周矣而反於紫宮出從中男入從中女亦因陰陽男女之偶爲終始云鵬冠子泰鴻篇中央者太一之位百神仰制焉張衡奏云九宮風角數有徵效隋志太一式雜占十卷太一九宮十卷後書高彪傳注太發三門順五將三門者開門休門生門五將天目文昌等

刑德七卷

淮南天文訓陰陽刑德有七舍何謂七舍室堂庭門巷街野十二月德居室三十日先日至十五日後日至十

主日而徙所居各三十日德在室則刑在野德在堂則刑在術德在庭則刑在巷陰陽相得則刑德合門八月二月陰陽氣均日夜分平故曰刑德合門德南則生刑南則殺故曰二月會而萬物生八月會而草木死又曰太陰在甲子刑德合東方宮常徙所不勝合四歲而離離十六歲而復合所以離者刑不得入中宮而徙於木

錢大昕曰五行家歲月皆有刑德七舍則月之刑德也

風鼓六甲二十四卷

後書方術傳注遁甲推六甲之陰而隱遁也今書七志有遁甲起風鼓未詳

困學紀聞九天九地之數乾納甲壬坤納乙癸自甲至壬其數九故

曰九天自乙至癸其數九故曰九地九
天之上六甲子也九地之下六癸酉也

風后孤虛二十卷

隋志兵家有孤虛注十卷六甲孤虛雜訣一卷裴駘
焚傳注曰甲乙謂之日子丑謂之辰六甲孤虛法甲子
旬中無戊亥卽爲孤辰巳卽爲虛甲戌旬中無申酉申
酉爲孤寅卯爲虛甲申旬中無午未午未爲孤子丑卽
爲虛甲午旬中無辰巳辰巳爲孤戌亥卽爲虛甲辰旬
中無寅卯寅卯爲孤申酉卽爲虛甲寅旬中無子丑子
丑爲孤午未卽爲虛後書方術傳宗資將兵討琅邪賊
趙彥爲陳孤虛之法從孤擊虛以討之御覽

三百二十六
十八

韜曰從孤擊虛高入無徐一女子當百夫孟子正義孤虛之法以一
畫爲孤無畫爲虛二畫爲實以六十甲子日定東西
南北四方然後占其孤虛實而向背之卽知吉凶矣
六合隨典二十五卷

南齊書禮志五行說十二辰爲六合寅與亥合占夢注
日月之行及合辰所在淮南天文訓爲奇辰數從甲子
始子母相求所合之處爲合十日十二辰周六十日凡
八合合於歲前則死亡合於歲後則無殃隋志六合婚
嫁歷一卷御覽三百二十八 玄女兵法曰三奇六合主威軍
士

轉位十二神二十五卷

淮南天文訓太陰在寅朱鳥在卯句陳在子元武在戌
白虎在酉蒼龍在辰寅爲建卯爲除辰爲滿巳爲平主
生午爲定未爲執主陷申爲破主衡酉爲危主杓戌爲
成主少德亥爲收主大德子爲開主太歲丑爲閉主太
陰隋志梁有十二屬神圖一卷論衡難歲篇十二神登
明從魁之輩論衡物勢篇又言十二辰禽似非此
美門式法二十卷 美門式二十卷

唐六典太卜令辨三式之同異

一曰雷公式二曰太乙式並禁私家畜三日六

壬式土庶通用之

用式之法辨十二將十二月神十二將以天

一爲首前一日騰蛇二曰朱雀三六合四句陳五青龍

後一曰天后二太陰三元武四太常五白獸六天空前
盡於五後盡於六天一立中爲十二將又有十二月之
神正月登明二月天魁三月從魁四月傳選五月小吉
六月勝光七月太卜八月天閏九月太衝十月功曹十
一月大吉十二月神后隋志有黃帝式經玄女式經六
壬式經等唐志雷公式經一卷太乙式經二卷攷證梁元帝洞林序云美
門五將韓終六壬按此太一式起於美門高也通典兵十三蕭
世議曰吾勘太乙中有飛鳥十
精知風雨期五子元運式也

文解六甲十八卷 文解二十八宿二十八卷

隋志萬年曆二十八宿人神一卷六甲周天曆一卷

五音奇肱用兵二十三卷

抱朴子極言篇黃帝審攻戰則納五音之策御覽

三百二十

入 玄女兵法曰黃帝攻蚩尤三年城不下募求術士乃

得伍骨

路史作胥

與之言曰今日余攻蚩尤三年城不下與

咎安在伍骨曰此城中之將爲人必白色商音帝始攻
時得無以秋之東方行乎今黃帝爲人蒼色角音此雄
軍也以戰爲之黃帝曰善爲之若何伍骨曰臣請攻蚩
尤三日城必下中黃直曰帝積三年攻蚩尤城不下今
爾欲以三日下之何以爲明伍骨曰不如臣言請以軍
法論黃帝曰子欲何時曰臣請朱雀之日日正中時立

赤色徵音絳衣之軍於南方以輔角軍臣請以青龍之
日平旦時立青色角音青衣之軍於東方以輔羽軍臣
請以立武之日人定時立黑色羽音黑衣之將於北方
以輔商軍臣請以白虎之日日入時立白色商音白衣
之將於西方以輔宮軍四將以立臣請爲帝以黃龍之
日日中建黃旗於中央以制四方五軍已具西面攻蚩
尤三日其城果下周官太師注兵書曰王者行師出軍
之日授將弓矢士卒振旅將張弓大呼太師吹律合音
商則戰勝軍士強角則軍擾多變失士心宮則軍和士
卒同心徵則將急數怒軍士勞羽則兵弱少威明按六

韜亦有五音篇兼以五勝之法制敵是也

五音奇肱刑德二十一卷

攷證淮南兵略明於星辰日月之運刑德奇賁之數背

鄉左右之便此戰之助也

注奇賁之數奇秘之數非常策

史記倉公傳

受脈書上下經五色診咳術按奇肱卽奇偶顧野王云肱當寅也顏籀引說文該軍中約非此義

五音定名十五卷

大戴保傅篇太子生而泣太師吹銅曰聲中某律白虎

通聖人吹律定姓

通典一百五呂才陰陽書序云近代師巫加五姓之說五姓者謂宮商角

徵羽天下萬姓悉總配之

隋志五音相動法一卷風角五音圖二卷

漢書疏證卷二十六

彙

×リ二

梁有風角五音
占五卷京房撰

右五行三十一家

攷證補翼氏風角隋志風要候十一卷翼奉撰

翼奉傳注引其

書

翼氏風角鳥情一卷風角雜占五音圖五卷又有京

房風角要占三卷京君明推偷盜書一卷皆此志所無

唐志五行家有淮南王萬畢術一卷

隋志云墨子枕中五行要記淮南萬

畢經淮南變化術陶志變化術各一卷

五行要記淮南萬按龜策傳褚先

生臣爲郎時見萬畢石朱方傳則漢時古書也御覽多

引之

後書王景傳景以衆書錯糅吉凶相反乃參記衆家數術文書彖宅禁忌堪輿日相之屬集爲大衍

基立

龜書五十三卷

隋志龜經一卷晉掌卜大夫史蘇撰又史蘇沈思經一

卷

梁有史蘇龜經十卷

哀九年傳晉趙鞅卜救鄭遇水適火疏引

服虔云兆南行適火卜法橫者爲土立者爲木邪向經

者爲金背經者爲火因兆而細曲者爲水後書張衡傳

注龜經有棲鶴兆言卜得鶴兆也

皇后紀太史公得壽房

攷證云

崇文目三卷而五十三卷之書亡矣史記褚先生所補

亦其大略也

夏龜二十六卷

夏時龜卜之書墨翟書耕柱篇夏后開使蜚廉採金於

山川而陶鑄於昆吾使翁難乙卜於目若之龜曰鼎成
三足而方不炊而自烹不舉而自臧不遷而自行以祭
於昆吾之墟上鄉乙又言兆之由曰饗矣逢逢白雲一
南一北一西一東九鼎既成遷於三國

南龜書二十八卷

周官龜人南龜曰獵屬龜筮傳余至江南觀其行事問
其長老云龜千歲乃遊蓮葉之上廬江郡常歲時生龜
長尺二寸者二十枚輸太卜官枹朴子對俗篇玉策記
曰千歲之龜浮於蓮葉之上或在叢蓍之下褚先生亦
引記曰或卽玉策記也

巨龜三十六卷雜龜十六卷

龜筮傳記曰能得名龜者財物歸之家必大富至千萬
一曰北斗龜二曰南辰龜三曰五星龜四曰八風龜五
曰二十八宿龜六曰日月龜七曰九州龜八曰玉龜凡
八名龜之文各在腹下云云者此某之龜也

著書二十八卷

文選思立賦注古文周書云周穆王姜后晝寢而孕越
姬嬖竊而有之斃以立鳥二七塗以菟血寘諸姜后遽
以告王王恐發書而占之曰蜉蝣之羽飛集於戶鴻之
戾止弟弗充理重靈降誅尙復其所問左史氏史灼曰

蟲飛集戶是日失所惟彼小人弗克以育君子史良曰
是謂開親將昌其身歸於母氏而後獲璽冊而藏之厥
休將娠王與令尹冊而藏之於櫝居二月越姬死七日
而復言其情曰爾夷隸也胡竊君之子不歸母氏將寘
而大戮及王子於治續天文志張衡靈憲曰羿請無死
之藥於王母恆娥竊藥奔月將往枚筮之於有黃有黃
占之曰吉翩翩歸妹獨將西行逢天晦芒母驚母恐後
且大昌此皆古之著書也

周易三十八篇

隋志五行家列周易名甚多而京房之書在此但云周

易恐非諸術家也杜預左傳後序汲冢古書周易上下篇與今正同別有陰陽說而無彖象文言繫詞史記大宛傳天子發書易云神馬當從西北來

周易明堂二十六卷

蓋卽明堂陰陽之說類卽魏相所采者後書郎顗傳於易雄雌祕曆今值困乏隋志易曆七卷

周易隨曲射匿五十卷

隋志易射覆易腦經等東方朔傳上使諸數家射覆朔自贊曰臣嘗受易請射之乃別著布卦而對魏志管輅射覆卦成此並先有卦辭占者以卦推之

大筮衍易二十八卷 大次雜易三十卷

隋志有雜筮占易三備等

鼠序卜黃二十五卷

抱朴子對俗篇鼠壽三百歲滿百歲則色白善憑人而
卜名曰仲能知一年中吉凶及千里外事

於陵欽易吉凶二十三卷 任良易旗七十一卷

隋志有費直易林二卷易內神筮二卷梁有費直周易

筮占林五卷

隋志周易分野星圖一卷不著撰人
攷晉天文志亦費直所撰隋志失之兩參

之或因故書題新名未可知也

易卦八具

東觀漢記永平五年秋御雲臺詔尙席取卦具士冠禮
筮與席所卦鄭云所卦者所以畫地記爻又少牢禮卦
以木卒筮乃書卦于木鄭云每一爻畫地以識之六爻
備書於版然則易卦八具其版書也

十二靈棋卜經補

隋志一卷不著撰人御覽

七百二十六

異苑曰十二棋卜出

自張文成受法於黃石公行師用兵萬不失一逮至東
方朔密以占衆事自此以後秘而不傳晉寧康初襄城
寺法味道人忽一老公著黃皮衣竹筒盛此書以授法
味無何失所在遂復流於世郡齋讀書志云南史載客

從南方遺我良材寶貨珠璣金盤玉杯之繇則古之遺書也明矣凡百二十卦皆有繇詞

右著龜十五家 隋志并入五行家

黃帝長柳占夢十一卷

詩箋大人占之謂以聖人占夢之法占之皇甫謐云黃

帝夢得風后力牧因著占夢經十一卷蓋憑此而傳會

隋志占夢書下梁有黃帝太一雜占十卷

甘德長柳占夢二十卷

卽占星之甘公隋志雜占夢書一卷

梁有師曠占五卷東方朔占七卷

又京房占瘡書三卷夢書十卷御覽引夢書甚多當卽

隋時著錄者也

武禁相衣器十四卷

論衡譏日篇裁衣有書凶日製衣有禍吉日有福

隋志梁有

裁衣書

一卷

噓耳鳴雜占十六卷

詩箋今俗人噓云人道我此古之遺語也西京雜記陸

賈曰目矐得酒食燈火華得錢財故目矐則咒之火華

則拜之隋志梁有噓書耳鳴書目矐書各一卷

論衡譏日篇沐

書日子日沐令人愛之卯日沐令人白頭隋志沐浴書一卷亦當在此類

禎祥變怪二十一卷

中庸疏本有今異曰禎本無今有曰祥

何胤云國本有雀今有赤雀來

是禎也國本無鳳今有鳳來是祥也

人鬼精物六畜變怪二十一卷

先天紀黃帝巡狩東至海登桓山於海濱得白澤神獸
能言達於萬物之情因問天下鬼神之事自古精氣爲
物遊魂爲變者凡萬一千五百二十種白澤言之帝令
以圖寫之以示天下帝乃作祝邪之文以祝之抱朴子
極言黃帝窮神姦則記白澤之辭隋志白澤圖一卷抱朴
子登涉篇或問辟山川廟堂百鬼之法曰道士常帶天
水符及上皇竹使符老子左契及守真一思三部將軍
者鬼百不敢近人也其次則論鬼錄知天下鬼之名宇
及白澤圖九鼎記則衆鬼自卻又云山中見鬼來喚人

求食不止者以白茅投之卽死山中鬼常迷惑使失徑者以葦杖投之卽死山中寅日有自稱虞吏者虎也卯日稱丈人者兔也辰日稱雨師者龍也稱河伯者魚也已日稱寡人者蛇也午日稱三公者馬也未日稱主人者羊也申日稱人君者猴也酉日稱將軍者鷄也戌日稱人姓字者犬也稱成陽公者狐也亥日稱神君者豬也子日稱社君者鼠也丑日稱書生者牛也但知其物名則不能爲害也按管子水地篇涸澤數百歲谷之不徙水之不絕者生慶忌慶忌者其狀若人其長四寸衣黃衣冠黃冠戴黃蓋乘小馬好疾馳以其名呼之可使千里外一日反報此涸澤之精也涸川之精者生於螭螭者一頭而兩身其形若蛇其長八尺以其名呼之可以取魚鼈此涸川水之精也又問篇桓公北伐孤竹未至卑耳之谿十里見人長尺而人物

具焉冠右袂衣走馬前疾事其不濟乎管仲對曰臣聞
登山之神有俞兒者長尺而人物具焉霸王之君興而
登山之神見又莊子達生篇桓公曰然則有鬼乎曰沈
有履竈有髻戶內之煩壤雷霆處之東北方之下者倍
阿魍魎躍之西北方之下者則泆陽處之水有罔象邱
有岑山有夔野有彷徨澤有委蛇委蛇其大如轂其
長如轅紫衣而朱冠惡聞雷車之聲則奉其首而立然
則知鬼神之情狀固有譜錄矣

變怪誥咎十三卷

太祝六辭三曰誥誥告於神也咎自刻責也曹子建誥

咎文序五行致災先史咸以爲應政而作天地之氣自有變動未必政治之所興致也於時大風發屋拔木意有感焉聊解上帝之命以詰咎祈福裒益心不樂家多怪乃之梧生所問占亦其事也道家又別有科儀文心雕龍黃帝有祝邪之文東方朔有罵鬼之書陳思誥咎裁以正義

執不祥効鬼物八卷

費長房能醫療衆病鞭笞百鬼驅使社公抱朴子論仙篇神仙集中有召神効鬼之法又遊覽篇鄭君有收山鬼老魅治邪精經三卷御覽八百九十一風俗通曰案黃帝書上古之時有神荼與鬱壘兄弟二人性能執鬼度索

山上桃園下簡閱百鬼鬼無道理妄千人禍神荼與鬱
壘縛以葦索執以食虎於是官常以臘餘餽桃人畫虎
於門皆是追效前事冀以禦鬼又御覽三百三十六孝經威嬭拒曰欲去惡鬼
五行具五人皆持大斧著鐵冑將之常使去四五十步不可令近人也按此則今畫門神像亦有所本

請官除妖祥十九卷

周官女祝掌以時招梗禴禴之事鄭大夫讀梗爲亢謂
招善而亢惡去之杜子春讀梗爲更鄭謂梗禦未至也
按管子四時篇春除神位謹禱弊梗注梗寒也時方開
通而有弊梗梗塞則禱神以開通之亦男巫冬堂贈春
招弭之事也說苑辯物篇柏常禱去梟築新室置白

茅臬當陞布翼伏地而死

禳祀天文十八卷

晏子諫篇景公睹彗星召柏常騫使禳去之鄭女祝四

禮惟禳其遺像今存

論衡解除篇世問繕治宅舍鑿池掘土功成作畢解謝土神名曰解

土爲土偶人以像鬼形令巫祝延以解土神隋志梁有六甲祀書二卷

請禱致福十九卷

隋志梁有董仲舒請禱圖周禮太祝注董仲舒救日食

祝曰炤炤大明熾滅無光奈何以陰侵陽以卑請尊繁

露

郊祀篇

郊祝曰皇皇上帝照臨下土集地之靈降甘風

雨庶物羣生各得其所靡今靡古惟予一人某敬拜皇

天之祐

請雨止雨二十六卷

繁露有求雨篇止雨篇止雨祝曰嗟天生五穀以養人
今滄雨太多五穀不和敬進肥牲清酒以請社靈幸爲
止雨除民所苦無使陰滅陽御覽五百二十六漢舊儀曰五
鳳元年儒術奏施行董仲舒請雨事始令丞相以下求
雨雪曝城南舞童女禱天神五帝五年始令諸官止雨
朱繩索社擊鼓助又三十五神農求雨書春甲乙不雨
東爲青龍又爲大龍東方老人舞之
王癸黑北不雨命巫祝曝之日不雨禱山神積薪具擊
鼓而焚之按其文有斷爛繁露亦引神農然則古法如
此

泰壹雜子候歲二十二卷

天官書凡候歲美惡謹候歲始

冬至日臘明日正月旦立春日

四始者

候之日漢魏鮮集臘明正月旦決八風按易通卦驗亦

以卦氣候歲御覽

七十

師曠占曰黃帝問師曠曰吾欲知

歲苦樂善惡可以否師曠對曰歲欲豐甘草先生薺也

歲欲饑苦草先生享厯也歲欲惡惡草先生水藻也歲

欲旱旱草先生蒺藜也歲欲潦潦草先生蓬也歲欲病

病草先生艾也齊民要術

雜說

師曠占五穀曰正月甲戌

日大風東來折樹者穀熟甲寅日大風西來者貴庚寅

日風從西來者皆貴二月甲戌日風從南來者稻熟乙

卯日不雨清明稻上場不熟四月四日雨稻熟日月珥
天下喜十五日十六日雨晚稻善日月蝕

子贛雜子候歲二十六卷

越絕外傳夫八穀貴賤之法必察天之三表此越絕所

本俗人亦以越絕爲子貢作

論衡案書篇會稽吳君高之越絕錄隋志有東方朔

占候水旱下人善惡一卷

三法積貯寶藏二十三卷

隋志三合紀饑穰一卷越絕計倪內經人之生無幾必

先憂積蓄以備妖祥漢耿壽昌亦精其術

神農教田相土耕種十四卷

御覽

七十

周書曰神農之時天雨之粟神農耕而種之

陶冶斤斧爲耒耜鉏耨以墾黃莽然後五穀興

昭明子釣種生魚鼈八卷

文選注引之齊民要術有陶朱公養魚經或卽其書

種樹臧果相蠶十三卷

齊民要術栽樹篇凡栽樹正月爲上時

諺曰正月可栽樹言得時易生

也二月爲中時三月爲下時棗鷄口槐兔目桑蝦蟆眼

榆負瘤散自餘雜木鼠耳蚩趨各其時

此等名目皆是葉生形容之所

象似以此時栽種者葉皆卽生

以上原注食經曰種名果法三月上旬研

好直枚如大母指長五尺內著芋魁種之無芋大蕪菁

根亦可用勝種核核三四年乃如此大耳又食經有作

乾棗法蜀中藏梅法藏乾栗法藏柿法藏木瓜法不具錄

按此皆有所本也舊唐志諸葛穎種
植法七十七卷周官馬質注蠶書

蠶為龍精月直火火則浴其種御覽八百二十一汜勝之書

曰衛尉前上蠶法民事人所忽略衛尉勤之忠國愛民

之至唐志蠶經一卷崇文總目淮南王蠶經三卷劉安

撰

右雜占十八家

山海經十三篇

列子湯問篇夏革曰大禹行而見之伯益知而名之夷

堅聞而志之論衡禹主治水益主記異物董仲舒覩重

常之鳥劉子駿曉貳負之尸

劉涓子吳都賦曰漢宣帝時擊磻石於上郡陷得石

室其中有反縛械劉向曰此貳負之臣也以山海經對海內西經郭注劉子政按此言對之宣帝大驚於是人爭學山海經吳越春秋禹登宛委山發金簡之書得通水之

理遂巡行四瀆與益夔其謀行到名山大澤召其神而問之山川脈理金玉草木鳥獸昆蟲之類及八方之民俗殊國異域土地里數使益疏而記之名之曰山海經劉歆序云禹定高山大川蓋與伯翳主驅禽獸命山川類草木別水土四嶽佐之以周四方逮人跡之所希至及舟輿之所罕到內別五方之山外分八方之海紀其

珍寶奇物異方之所生水土草木禽獸昆蟲麟鳳之所
止休祥之所隱及四海之外絕域之國殊類之人古文
之著明者也孝武時東方朔言異鳥之名孝宣時臣父
向對貳負之臣皆以是書朝士由是多奇山海經者可
以考休祥變怪之物見遠國異人之謠俗臣望所校凡
二十三篇今定爲十八篇按十三篇者劉向于時合南
山經三篇以爲南山經一篇西山經四篇以爲西山經
一篇北山經三篇以爲北山經一篇東山經四篇以爲
東山經一篇中山經十二篇以爲中山經一篇并海外
經四篇海內經四篇凡十三篇至劉歆增大荒經四篇

海內經一篇故爲十八篇

多者十餘篇少者二三篇

宋人著錄旣不

能攷其篇第所由而陳振孫引朱熹言以爲山海經本

解楚辭天問而作殆於庸妄者也

寰宇記淮陽記按古

至桐柏山乃獲淮濁水神名曰無支祁是又有嶽瀆經也御覽百六十七有漢舊儀山海經稱東海中度朔山

今本無之

國朝七卷

隋志劉向略言地域丞相張禹使屬朱貢條記風俗班

固因之作地理志國朝者疑此是也大司徒掌建邦之

土地之圖注若今司空郡國輿地圖三王世家御史上

輿地圖

晉書裴秀曰漢氏所畫輿地及括地諸雜圖各不設分率又不考正準望亦不備載名山大川

雖有粗形御覽一百五
皆不精審周公城名錄曰黃帝受命風后

受圖割地布九州置十二圖禹貢釋文引作周公職錄

禹貢周官作職服經其州郡分野略事業國邑山陵水泉鄉亭城道里土田民物風俗先賢舊好靡不具悉凡一百七十卷今亡此周公城名錄或在摯虞書所題

宮宅地形二十卷

論衡詰術篇圖宅術曰宅有八術以六甲之名數而第
之第定名立宮商殊別宅有五音姓有五聲宅不宜其
姓姓與宅相賊則疾病死亡犯罪遇禍又曰商家門不
宜南向徵家門不宜北向商金南方火也徵火北方水
也水勝火火賊金五行之氣不相得故五姓之宅門有

宜向嚮得其宜富貴吉昌嚮失其宜貧賤衰耗隋志相

宅圖八卷五姓墓圖一卷梁有冢書黃帝葬山圖

今有宅經

二卷題黃帝撰書中又引黃帝宅經則非黃帝可知各四卷五音相墓書五音圖

等書抱朴子極言黃帝相地理則書青鳥之說文選注

三十青鳥子相冢書曰天子葬高山諸侯葬連岡初學

記相冢書曰凡葬龍耳者當貴出五侯御覽

五百六十相冢

書曰青鳥子稱山三重相連名傘山葬之出三千石按

後書袁安求葬地道逢三書生指一處云葬此地當世

爲上公又吳雄家貧喪母營人所不封土者擇葬其中

皆言當族滅則漢固已有葬法矣又葬當擇日論衡譏

篇葬曆日葬避九空地咎及日之剛柔月之奇耦日吉無害剛柔相得奇耦相應乃爲吉良不合此曆轉爲凶惡

相人二十四卷

隋志相書四十六卷

樊詡唐氏武王相書一卷

崇文總目有姑布子

卿相法三卷袁宏後漢紀相二蘇大相鄧后曰此成湯之骨法此相人所傳也御覽三百七十一相書許負曰乳閒

闊尺富貴足壽乳黑如墨公侯之相劉知幾史通許負相經當時所聖見傳流俗

相寶劔刀二十卷

玉藻注相玉書曰珽玉六寸明自照御覽

八百五

王逸正

部論曰或問玉符曰赤如鷄冠黃如蒸栗白如脂肪黑

如純漆

文選魏文帝與鍾大理書引作玉書

又白玉圖曰玉之精名曰委

狀如美女衣青衣見之以桃戈刺之而呼其名則可得

也夜行見女子戴燭行者潛從其所亡則入石中有玉

又地鏡圖曰二月中草木先生下垂者下有美玉又曰

八百二

夫寶物在城郭邱壙之中樹木爲之變視柯偏有

折枯是其候也視折枯所向寶在其方凡有金寶常變
作積蛇見此輩便脫隻履若衣以擲之溺之卽得凡藏
寶忘不知處以太銅盤盛水着所疑地行照之見人影

者物在下也又曰寶屋上瓦獨無霜其下有寶藏

隋志梁地

鏡圖

初學記嚴助相貝經曰堯懸貝殼於攝宮御覽

百八

七相貝經朱受之於琴高越絕客有能相劍者曰薛燭

呂覽別類篇相劍者曰白所以為堅也黃所以為紉也

黃白雜則堅且紉良劍也梁陶弘景作刀劍錄皆詭誕

不經

相六畜二十八卷

隋志梁有伯樂相馬經

御覽八百九十六相馬經云江淮津有徐成今治相馬方又云

豫州從事沛國蕭詠方最良似漢魏人書也

甯戚王良相牛經淮南浮邱相

鶴經相鴨相鷄相鵝等經

按齊民要術並有其法僅存者

史記日者列

傳黃直大夫也陳君夫婦人也以相馬立名天下留長

孺以相競立名榮陽褚氏以相牛立名呂覽觀表篇古之善相馬者寒

風相口齒麻朝相頰子女厲相目衛忌相髦許鄙相脰

投我褐相胷脅管青相臙吻陳悲相股腳秦牙相前贊

君相後書馬援上表曰近世西河子輿明相馬法子輿

傳西河儀長孺傳茂陵丁君都君都傳成紀楊子阿臣

援嘗師事子阿受相馬骨法孝武皇帝時善相馬者東

門京鑄作銅馬法初學記二十相馬經伯樂曰凡相馬

之法先除三羸五驚乃相其餘大頭小頸一羸弱脊大

腹二羸小脰大蹄三羸大頸緩耳一驚長頸不折二驚

短上長下三驚大脰短脅四驚淺髀薄髀五驚按齊民

要術引之尤詳隋志又有卜式養豬養羊法

右形法六家 按隋志又有東方朔神異經十洲記

庶得鑪舂

管子水地心之所慮非特知於鑪鑪也春秋繁露俞序

始於鑪舂終於精微

辛未歲舉人宗翽鳳程文用此二字爲房考湖南人彭浚所抹云杜

撰附記於此以資笑噱

舂音才戶切亦作粗莊子則陽篇釋文司

馬彪云鹵莽猶鑪粗也

黃帝內經十八卷

隋志黃帝素問九卷又素問八卷

全元起注

黃帝鍼經九卷

馬蒔云靈樞皇甫士安以鍼經名之

唐志黃帝九靈經十二卷讀書志黃

帝素問二十四卷

王砭注分爲二十四卷

靈樞經九卷王砭謂此

書卽漢志黃帝內經十八卷之九也

馬蒔云王砭攷證分爲十二卷

王砭云第七一卷師氏藏之今之奉行惟八卷爾楊玄

操云黃帝內經二帙帙各九卷王砭名爲靈樞素問第

七卷亡已久唐寶應中王砭得先師所藏之卷爲注合

八十一篇二十四卷玉海

六十卷

張仲景云撰用素問則

素問之名雖著於隋志而已見於漢代隋全元起注已

亡第七卷皇朝林億等校正孫兆重改誤億以天元紀

大倫等七篇所載與素問略不相通疑是陰陽大論之

文砭取以補所亡云

欽韓

按素問離合眞邪篇黃帝曰

夫九鍼九篇夫子乃因而九之九九八十一篇以起黃
鍾數又靈樞九鍼十二原篇今先立鍼經願聞其情此
書本名鍼經者是也兩唐志只謂之九靈經書無靈樞
之目

外經三十七卷

隋志黃帝甲乙經十卷

楊玄操云皇甫謐刺而爲甲乙

岐伯經十卷黃

帝疏注脈經一卷梁有黃帝鍼灸經十二卷疑皆外經

也

唐志黃帝明堂經三卷

扁鵲內經九卷外經十二卷

隋志黃帝八十一難二卷

梁有黃帝衆難經一卷呂博望注通考云吳呂廣注舊

唐志秦越人撰新唐志全元起注王勃黃帝八十一難
經序云昔者岐伯以授黃帝黃帝歷九師以授伊尹以
授湯湯歷六師以授太公太公授文王文王歷九師以
授醫和醫和歷六師以授秦越人秦越人始定立章句
歷九師以授華佗華佗歷六師以授黃公黃公以授
夫子夫子諱元字真道崇文總目秦越人採黃帝內經
精要之說凡八十一章編次爲十三類理趣深遠非易
了故曰難經則以秦越人爲扁鵲也唐楊玄操演序云
與軒轅氏扁鵲相類仍號之爲扁鵲
今本所行者
元滑壽注按倉
公傳陽慶傳黃帝扁鵲之脈書又云謁受其脈書上下

經此志云扁鵲內外經則非止八十一難也宋書徐文

伯傳道士留一瓢蘆與文伯開之乃扁鵲鏡經一卷因

精心學之黃帝歷九師以授伊尹伊尹以授湯湯歷六

師以授太公太公以授文王文王歷九師以授醫和醫

和歷六師以授素越人素越人始定立章句歷九師以

授華佗華佗歷六師以授黃公黃公以授曹元按是秦

越人以前不知誰為紀述此夸誕之辭耳御覽七百之

十四玉匱針經序呂博為吳太御覽七百二帝王世紀

醫令注八十一難經大行於代

曰黃帝命雷公岐伯論經脈傍通問難八十一為難經

然則難經非史記之扁鵲唐志誤

白氏內經三十八卷外經三十六卷旁篇二十五卷

抱朴子遐覽有白子變化經非此

右醫經七家 素問病論上經者言氣之通天下經者言病之變化金匱者決死生也揆度者切度之也奇恆者言奇病也馬蒔云俱古經篇名今皆失之

五藏六府痺十二病方三十卷 疝十六病方十卷 熱痺十二病方四十卷

崇文總目

天一閣鈔本

黃帝五藏論一卷神農五藏論一卷

十六病方二十六卷

素問金匱眞言肝心脾肺腎五藏爲陰膽胃大小腸膀胱三焦六府皆爲陽又五藏生成篇赤脈之至也喘而堅診曰有積氣在中時害於食名曰心痺得之外疾思

癰而心虛故邪從之白脈之至也喘而浮上虛下實驚
有積氣在胃中喘而虛名曰肺痺寒熱得之醉而使內
也青脈之至也長而左右彈有積氣在心下支肱名曰
肝痺得之寒濕與疝同法腰痛足青頭脈緊黃脈之疾
也大而虛有積氣在腹中有厥氣名曰厥疝得之疾使
四支汗出當風黑脈之至也上堅而大有積氣在小腹
與陰名曰腎痺得之沐浴清水而腎骨空論任脈爲病
男子內結七疝女子帶下瘕聚倉公傳齊郎中令循病
湧疝臣意飲以火齊湯齊王太后病風痺容臍飲以火
齊湯齊曹山拊病肺消癰加以寒熱死不治又公乘項

處病診脈曰牡疝在鬲下上連肺病得之內

素問奇病論病口甘

者名脾痺病口苦者名膽痺大奇論心脈搏滑急爲心疝肺脈沉搏爲肺疝腎脈大急沈肝脈大急沈皆爲疝

秦始黃帝扁鵲俞拊方二十三卷

韓詩外傳

十

號庶子曰吾聞上古醫曰弟父

說苑作苗父

弟

父之爲醫也以莞爲席以芻爲狗北面而視之發十言

耳諸扶輿而來者皆平復如故中古之爲醫者曰踰跗

榻木爲腦芷草爲軀吹竅定腦死者復生按此無稽之

說素問

移精變氣論

上古使僦貸季理色脈而通神明中古

之治病至而治之湯液十日以去八風五痺之病隋志

扁鵲陷冰方一卷扁鵲肘後方三卷宋史藝文志療

黃經三卷扁鵲撰

五藏傷中十一病方三十一卷 客病五藏狂顛病方十

七卷

倉公傳齊中郎破石病臣意診其脈告曰肺傷不治靈
樞癰病篇骨癰疾者鵠齒膺分肉皆滿而骨居汗出煩
悵嘔多沃沫氣下泄不治筋癰疾者身倦舉息急大刺
項大經之大杼脉嘔多沃沫氣下泄不治脈癰疾者暴
仆四肢之脈皆脹而縱氣下泄不治素問繆刺論邪之
客於形也必先舍於皮毛留而不去入舍於孫脈留而
不去入舍於絡脈留而不去入舍於經脈內連五藏散

於腸胃陰陽俱感五藏乃傷

金創癰瘰方三十卷

靈樞注癰瘰者熱極生風也

婦人嬰兒方十九卷

扁鵲傳過邯鄲聞貴婦人卽爲帶下醫入咸陽聞秦愛
小兒卽爲小兒醫隋志俞氏療小兒方四卷梁有范氏
療婦人藥方十一卷

湯液經法三十二卷

素問有湯液論周禮疾醫疏劉向云扁鵲治趙太子暴
病尸蹙之病使子明炊湯韓詩外傳扁鵲取三陽五輸

爲先造軒光之竈八拭之湯攷證事物紀原湯液經出於商伊尹皇甫謐云仲景論伊尹湯液爲十數卷

神農黃帝食禁七卷

抱朴子仙藥篇神農經曰上藥令人身安命延昇爲天神遨遊上下使役萬靈體生毛羽行厨立至中藥養性下藥除病能令毒蟲不加猛獸不犯惡氣不行衆妖併辟隋志神農本草八卷桐君藥錄三卷本草經神農作赭鞭鉤鋤從六陰與太一外五嶽四瀆土地所生皆鞭問之得其主治一日遇七十毒御覽七百二十帝王世紀曰黃帝使岐伯嘗味草木典主醫病經方本草素問之

書咸出焉然本草卽肇於神農而黃帝修之志但言食
禁未足以盡之也自兵書以下本非劉向所序論故舛
漏不可考校游俠傳樓護少誦醫經本草又平帝元始
五年舉通知方術本草者疾醫注云治合之齊則存乎
神農子儀之術疏云中經簿子儀本草經一卷韓詩外
傳扁鵲使弟子子儀反神皆西京所應有也隋志老子
禁食經一卷

右經方十一家

容成陰道二十六卷

抱朴子遐覽篇道經有容成經列仙傳容成公者自稱

黃帝師見於周穆王能善補導之事

後書甘始東郭延年封君達三人率

能行容成御婦人術

務成子陰道三十六卷

雲笈七籤老君開天經帝堯之時老君下為師號曰務

成子作政事經

堯舜陰道二十三卷

天老雜子陰道二十五卷

張衡同聲歌素女為我師儀態盈萬方眾夫所希見天

老教軒皇

按明萬安何不以此事對懷恩

抱朴子極言黃帝論道養則

質玄素二女

遐覽篇有玄女經素女經

隋志素女秘道經一卷素女

方一卷文選養生論注引天老養生經

湯盤庚陰道二十卷

呂覽湯問伊尹曰欲取天下若何伊尹對曰凡事之本
必先治身嗇其大寶用其新弃其陳腠理遂通精氣日
新邪氣盡去及其天年此之謂真人抱朴子極言按彭
祖經云自帝嚳佐堯歷夏至殷爲大夫殷王遣采女從
問房中之術行之有効欲殺彭祖以絕其道彭祖覺焉
而逃去御覽六百六十八商王問彭祖延年益壽之道答曰
思神念眞坐忘鍊液皆可以令人長壽若泝流補腦之
要此甚難行有懷棘履刃之危諸經方三千首皆示以

始涉之門庭耳商王受具諸要行彭祖之永壽但不能

戒其淫慾耳

按房中家不及彭祖而反題堯舜湯盤庚之名外義殊甚當是妄人所錄耳

天一陰道二十四卷

天一卽天乙湯之名雜錯出之

黃帝三王養陽方二十卷

抱朴子微旨篇俗人聞黃帝以千二百女昇天便謂黃帝單以此事致長生

三家內房有子方十七卷

隋志彭祖養性一卷郊子說陰陽經一卷

郊疑

序內房

秘術一卷玉房秘決八卷

右房中八家

隋志道經房中十三部三十八卷比此志少十之七矣
何休公羊傳注禮男子六十閉房白虎通嫁娶篇男子
六十閉房何所以輔衰也故重性命也至七十大衰寢
非人不煖故七十復開房也抱朴子微旨房中之術玄
素喻之水火水火殺人而又生人在於能用與不能耳
大都得其要御女多多益善如不知其道而用之一兩
人足以速死爾彭祖之法最其要者又釋滯篇房中之
術近有百餘御覽七百二十神僊傳曰彭祖云養壽之道但
莫傷之而已夫冬溫夏涼不失四時之和所以適身也

美色淑姿安閑性樂不欣思慾之感所以通神也車服
威儀知足無求所以一志八音五色以養視聽之權所
以導心也凡此皆以養壽而不能斟酌之者反以速患
古之智人恐不才之子不識事宜流遁不還故絕其原
故經有上士別牀中士異板服藥百過不如獨卧人凡
遠思強健憂過悲哀喜樂過量忿怒不解汲汲所願戚
戚所患寒煖失節陰陽不交俱能傷人所傷者甚衆而
獨責房室不亦惑哉按此志所論亦頗采其說

宓戲雜子道二十篇

莊子大宗師伏戲得道以襲氣

抱朴子遐覽道經有三皇內文

上聖雜子道二十六卷 道要雜子十八卷

抱朴子辨問篇靈寶經有正機平衡飛龜授秩凡三篇
皆仙術也

黃帝雜子步引十二卷

隋志引氣圖一卷道引圖三卷

立一坐一卧一

華佗傳古之仙

者爲導引之事熊經鴟顧引挽腰體動諸關節以求難

老

攷證梁肅道引圖序朱少陽得其術於黃帝外書又加以元化五禽之說乃志其善者演而圖之

黃帝岐伯按摩十卷

韓詩外傳子游按摩趙岐孟子注折枝者按摩折手節
解罷枝也抱朴子遐覽按摩經導引經十卷唐六典太

醫令屬官按摩博士一人置按摩師按摩工佐之教按

摩生

崇文總目軒轅黃帝導引法一卷

黃帝雜子芝菌十八卷

抱朴子遐覽木芝圖菌芝圖肉芝圖石芝圖大魄雜芝

圖登真隱訣上元寶經曰茅司命大君語二弟子宜服

四扇散昔黃帝受風后卻老還少之道雲笈七籤風后

傳黃帝四扇散隋志芝草圖一卷種神芝一卷

抱朴子仙藥篇

五芝者石芝木芝草芝肉芝菌芝各有百許種非佩老子入山靈寶五符不能得見此輩也

攷證黃

帝內傳王母授神芝圖十二卷水經注黃帝登具茨之

山受神芝圖於黃蓋童子按先天紀作七十二卷又云

適中岱見中黃子受九茹之方

黃帝雜子十九家方二十一卷

抱朴子對俗按玉策記及昌宇經昌宇者莊子七聖之一也莊子在宥黃帝聞廣成子在空同之上故往見之
泰壹雜子十五家方二十二卷

抱朴子極言按神仙經黃帝及老子奉事太乙元君以
受要訣釋史五泰壹雜子曰黃帝謁我眉見天皇真人
問三一之道

神農雜子技道二十三卷

抱朴子極言神農曰百病不愈安得長生莊子知北遊

柯荷甘與神農同學於老龍吉

秦壹雜子黃冶三十一卷

抱朴子黃白篇神仙經黃白之方二十五卷千有餘首
余昔從鄭君受金丹及金銀液經因復受黃白中經五
篇隋志仙人金銀經并長生方一卷雜神仙黃白法十
二卷練寶法二十五卷陵陽子說黃金秘法一卷

右神僊十家

萬三千二百六十九卷

論衡案書篇六略之錄萬三千篇隋志七略大凡三萬
三千九十卷與此志異通考卷數與隋志同劉昫志亦

云漢藝文志裁三萬三千九十卷則刻本於上應脫一字歆所撰雖名七略其輯略卽其彙別羣書標列旨趣若志之小序耳實止有六略也舊唐志劉歆作七略二紀而方就葛洪云魏代以來羣文滋長倍於往者然兩京經王莽董卓之亂並從燔蕩魏晉文士人撰別集家著子書大都剽竊割裂陳陳相因其滋長者既不厭人意而古書展轉滅沒今則百不及一宋王應麟號爲博洽其攷證適與今所見者同然則古書之不留種殆於宋中葉以後尙空言而薄實事尊黨類而蔑前修不能不有慨於道學傳中人也

談師吉云藝文志卷數以各種總核得萬三千三百七一

一卷與本後總核數差一百二卷其各種總計數目皆不對甚者若道家類多二百餘卷乃後人所妄改致誤欽韓謂太公二百三十七篇下謀言兵者即其分注如儒家劉向楊雄之例刊本誤升為大字遂復出二百三十七卷之數而總數又不細核復不符子目攷證自六經以至陰陽之家其

數或多或少春秋九百四十八篇而其數之不及者八

十有一談師吉云第一條古經依注作二家今核止九

家算不及者亦止五十八道家九百十三篇而其數之衍者四十有

四談師吉云今漢志總數九百九十三核實止八百一著龜一家而卷之溢於目

者八十談師吉云著龜四百一今核四百八十五末一條易卦八具作八篇算欽韓謂易卦八具不算

醫經一家而卷之不登其總者四十有一談師吉云算醫家二百十

六今核一百七十七少三十九經方二或者後世有以百七十四今核二百九十五餘二十一

私意增損者耶

漢書疏證卷二十六

漢書疏證卷二十六

奎

〇
メ
二

浙江書局刊

許淮祥校

張聯駿校

王拱辰校